

重訂唐王燾先生外臺秘要方第三卷目錄

天行二
十一門

天行病發汗等方四十二首

天行病方七首 許仁則

天行吐逆方七首

天行嘔噦方七首

天行喉咽痛方二首

天行衄血方四首

天行口瘡及口乾苦方四首

天行欬嗽方五首

天行發斑方三首

天行發瘡豌豆疱瘡方一十三首

天行虛煩方二首

天行狂語方三首

天行熱毒攻手足方五首

天行大小便不通脹滿澀方四首

天行熱痢及諸痢方四首

天行蠶瘡方八首

天行陰陽易方二首

天行虛羸方二首

天行後禁忌方二首

勸德按
諸字下
既脫及
字

學
卷
差

天行勞復食復方六首

天行差後勞發方五首

許仁則

唐王燾先生外臺秘要方第三卷

宋朝散大夫守光祿卿直秘閣判登聞鼓院上護軍臣林億等上進

新安後學程衍道敬通父訂梓

男龍錫爲光父全校

天行病發汗等方四十二首

病源夫天行時氣病者是春時應暖而反大寒夏時應熱而反大涼秋時應涼而反大熱冬時應寒而反大溫者此非其時而有其氣是以一歲之中病無長少率多相似者此則時行之氣也從立春節後其中無暴大寒又不冰雪而人有壯熱爲病者此屬春時陽氣發於冬時伏寒變爲

溫病也從春分以後至秋分節前天有暴寒者皆爲時行
寒疫也一名時行傷寒此是節候有寒傷於人非觸冒之
過也若三月四月或有暴寒其時陽氣尚弱爲寒所折病
熱猶小輕也五月六月陽氣已盛爲寒所折病熱則重也
七月八月陽氣已衰爲寒所折病熱亦小微也其病與溫
及暑病相似但治有殊耳然得時行病一日在皮毛當摩
膏火灸愈不解者二日在膚可法鍼服解肌散汗出愈不
解三日復發汗若大汗則愈不解者止勿復發汗也四日
在胃服藜蘆丸微吐之愈若病固服藜蘆丸不吐者服赤
小豆瓜蒂散吐之卽愈視病者尚未了了復一法針之當

解不愈者六日熱已八胃乃與利湯下之愈百無不如意
但當諦視節度與病耳若食不消病亦與時行病俱發熱
頭痛食病當速下之時行病嘗待六七日下之時行病始
得一日在皮二日在膚三日在肌四日在胷五日入胃入
胃乃可下也熱在胃外而下之則熱乘虛便入胃然病要
當復下去之不得留於胃中也胃若實熱致此爲病三死
一生此輩皆多不愈胃虛熱入爛胃也其熱微者赤斑出
劇者黑斑出赤斑出者五死一生黑斑出者十死一生但
論人有彊弱病有難易功效相倍耳病者過日不以時下
之熱不得泄亦胃爛斑出矣若得病無熱但狂言煩躁不

安精采言語與人不相主當者勿以火迫之但以猪苓散
一方寸匕水和服之當以新汲冷水令彊飲一升若一升
半可至二升益佳以指刺喉中吐之隨手愈不卽吐者此
病輩多不善勿彊與水水停卽結心下也更當以餘藥吐
之皆令相主當者不爾必危若此病不急以猪苓散吐解
之者其死殆速矣亦可先以去毒物及法針之尤佳其湯
熨鍼石別有正方補養宜導今附於後

養生方導引法云清且初起以左右手交互從頭上挽兩
耳舉又引鬢髮卽流通令頭不白耳不聾又摩手掌令熱
以摩面從上下二七止去汗氣令面有光又摩手令熱從

內求本
肉

體上下名曰乾浴令人勝風寒時氣寒熱頭痛百病皆愈
又時氣病一日太陽受病太陽爲三陽之首主於頭項故
得病一日頭項腰痛

又時氣二日陽明受病陽明主於肌肉其脈絡鼻入目故
病二日內熱鼻乾不得眠夫諸陽爲表表始受病皮膚之
間故可摩膏火灸發汗而愈

又時氣病三日少陽受病少陽脈循於脅上於頸耳故得
病三日脅脅熱而耳聾也三陽經絡始相傳病未入於藏
故可汗之而愈

又時氣四日太陰受病太陰爲三陰之首是知三日已後

小臺必妥
三卷

三

乘木心
作止魚
胃字

諸陽受病訖卽傳之於陰而太陰受病焉其脉主於咽嗑
故得病四日腹滿而噎乾其病在胃膈故可吐而愈也
又云夫得病四日毒在胃膈故宜取吐有得病二三日便
心胃煩滿此爲毒氣已入或有五六日已上毒氣猶在上
焦者其人有痰實故也所以復宜取吐也

又時氣病五日少陰受病少陰脉貫腎絡肺繫於舌本故
得病五日口熱舌乾渴而引飲其病在腹故可下而愈

又時氣病六日厥陰受病厥陰脉循陰器絡於肝故得病
六日煩滿而囊縮也此爲三陰三陽俱受病毒氣入於腸
胃故可下而愈

又時氣病七日法當小愈所以然者陰陽諸經傳病竟故也今病不除者欲為再經病再經病者謂陰陽諸經重受病也

又時氣病八九日以上不解者或是陰陽諸經重受於病或已發汗吐下之後毒氣未盡所以病不能除或一經受病未即相傳致使停滯累日病證不改者故皆當察其證候而治之

並出第九卷中士弱氏曰七日傳經盡再傳經必七日蓋剝復之義耳

廣濟天行壯熱煩悶發汗麻黃湯方

麻黃

五兩去節

葛根

四兩

梔子

二七枚擘

葱

切一升

香豉

一升綿裹

右五味咬咀以水八升先煮麻黃葛根三兩沸去沫內
諸藥煎取二升五合絞去滓分爲三服服別相去如人
行五六里更進一服不利覆取汗後以粉粉身忌風及
諸熱食 出第一卷中

肘後療天行一二日麻黃解肌湯方

麻黃 一兩 去節 升麻 一兩 甘草 一兩 炙 芍藥 一兩

石膏 一兩 碎 綿裹 杏仁 三十枚 去尖 雙入 貝齒 三枚 末

右七味細切以水三升煮取一升頓服覆取汗汗出則

愈便食豉粥補虛也忌海藻菘菜 千金同

又方

麻黃 二兩

黃芩

桂心

各一兩

生薑

三兩

右四味切以水六升煮取二升分三服忌生葱

張文仲同

又葛根解肌湯方

葛根 四兩

芍藥 二兩

麻黃

一兩 去節

大青

一兩

甘草 一兩

黃芩 一兩

石膏

一兩 碎

大棗

四枚

桂心 一兩

右九味切以水五升煮取二升分溫三服相次服之覆

取汗差忌海藻菘菜生葱炙肉等

張文仲同

又療二三日以上至七八日不解者可服小柴胡湯方

柴胡 八兩

人參 三兩

甘草

三兩 炙

黃芩

三兩

身榮木
一作竹

生薑 三兩
半夏 半升
大棗 十二枚
擘

右七味切以水一斗二升煮取六升去滓更煎取三升

分三服微覆取汗半日便差如不除更服一劑忌海藻

菘菜羊肉餒 范汪張文仲同此張仲景傷寒論方

又若有熱實得汗不解腹脹痛煩躁欲狂語者可服大柴

胡湯方

柴胡 半斤
大黃 二兩
黃芩 二兩
芍藥 二兩

枳實 四枚
炙
半夏 五兩
洗
生薑 五兩
大棗 十二枚
擘

右八味切以水一斗二升煮取六升去滓更煎取三升

溫服一升日二服當微利忌羊肉餒此方四首最第一

急疾須預有
不可作
急疾須預有
不可作

急疾須預有
幸可得藥處
不可不營之
保無傷死
請
小療為以防窮極者耳
忌羊肉湯
出第二卷中同上

鱗鱗療天行三日外至七日不飲肉熱令人更相染著大

青消毒湯方

大青 四兩

香豉 八分 熬綿裹

乾葛

梔子 各四兩

生乾地黃 一升 切
芒消 三兩

右六味切以水五升煮諸藥味取二升五合去滓下芒

消分三服忌蕪荑熱麩酒蒜等物 一方有石膏八兩

又療天行五日不歇未至七日皮肉毒熱四肢疼痛疆苦

參吐毒熱湯方

苦參 八分

烏梅 七枚

雞子 三枚 取白

右三味以苦酒三升煮二物取一升去滓澄清下雞子

白攪調温去沫分再服之當吐毒熱氣出愈

又療天行七日至二七日藏腑陰陽毒氣天行病欲歇而

未歇或因食飲勞復心下脹滿煩熱生地黃湯方

生地黃 切一升

黃芩 三兩

桂心 二兩

甘草 二兩 炙

竹葉 切一升 洗

香豉 一升 綿別裹

蓴心 一升

芒消 三兩

尖鼠屎 三七枚

乾葛 一兩

麻黃 三兩 去節

石膏 八兩 碎 綿裹

右十二味切以水九升煮取三升去滓下芒消分三服

忌蕪荑海藻菘菜生葱等

又療天行二七日至三七日不歇或寒或熱來去喻

四肢羸瘦飲食不能腹中虛滿熱毒不安生地黄湯方

生地黄升 汁一 生麥門冬升 升一 赤蜜升一 人參兩二

白朮三兩 桂心一兩 甘草二兩 炙 生地骨皮兩四

升麻三兩 石膏八兩 碎 綿裹 蓴心一升

右十一味細切以水九升煮諸藥味取二升去滓下地

黃汁更煎三兩沸分溫五服晝四夜一服忌蕪荑生葱

海藻菘菜桃李雀肉等物

又療天行三七日至四七日勞瘠不歇熱毒不止乍寒乍

熱乍劇乍差發動如瘡鼈甲湯方

瘡字下 宋本有 烏玄反 已小字

鼈甲 三兩 炙

大青 二兩

石膏 八兩 碎 綿裹
牡丹皮 一兩

烏梅肉 一兩

常山 三兩

竹葉 切一升
牛膝根 三兩

茸草 一兩

香豉 一升 煮 綿裹

右十味切以水九升煮取三升分温三服日三忌生葱

生菜鯉魚海藻菘菜苺

蕪荑 一方有生天門冬 生地黃各切一升

千金療天行熱病五六日 上宜服苦參湯方

苦參 三兩

黃芩 二兩

生地黃 八兩

右三味切以水八升煎至二升去滓温服半升日再忌

蕪荑 出第九卷中

又疑雪湯療天行毒病七八日熱積胃中煩亂欲死起死

高橋按
千金服

芫花 一升

一作一升宋本

右一味以水三升煮取一升半漬故布薄膏上不過再

三薄熱則除當溫四肢護厥逆也

張文仲備急古今錄驗深師范汪並同出

第十卷中

通按搶音臘折也推也又摺也以故布摺方漬而荅胸上也

千金翼療天行脉浮緊無汗而發熱其身疼痛八九日不

解其表證續在此當發其汗服藥已微除發煩目瞑劇者

必衄衄乃解所以然者陽氣重故也宜服麻黃湯方

千金翼不

療天行

麻黃

三兩去節

桂心

二兩

甘草

一兩炙

杏仁

七十枚去皮

數字下
宋本有
四字

右四味切以水九升先煎麻黃減二升去上沫內諸藥

煮取二升半分服八合取汗不須飲粥投此湯易得汗

忌菘菜海藻生葱深師同出第九卷中此張仲景傷寒論方

崔氏療時行數日而大下熱痢時作白通諸藥多不得止

吾思舊方多療傷寒後下痢耳未有尚在數日便兼除熱

止下者也四順湯熱白通苦溫故吾思作此湯以救數十

人兼主傷寒黃連龍骨湯方

黃連三兩止 黃蘗三兩止 熟艾如雞子一枚
利除熱 利除熱 除熱毒止利

龍骨二兩止
利除熱

右四味切以水六升煮取二升半分三服無不斷者忌

猪肉冷水

又其年時行四五日大下後或不下皆患心中結滿兩脅

痞塞胃中氣急厥逆欲絕心胃高起手不得近不過二三

日輒便死歿諸醫用瀉心湯余用大小陷胃湯並不得療

重此此或下後虛逆而氣已不理而毒復上攻毒氣相

搏結於胃中縱不下者毒已入胃胃中不通毒還衝上復

搏於氣氣毒相激故致此病療之當先理其氣次下諸疾

思與增損理中丸方

人參 二兩 白朮 二兩 甘草 二兩 乾薑 六分

栝樓根 二兩 枳實 四枚 茯苓 二兩 牡蠣 二兩

心氣高

起未本

作心起

高胃

栝樓上

水有

右八味末之以蜜和爲丸服如彈子一丸熟水下不歇
復服余時用此効的神速下喉卽折續復與之不過服
一五六丸胃中豁然矣用藥之速未嘗見此然渴者當加
栝樓不渴除之下者當加牡蠣不下勿用余因以告領
軍韓康伯右衛毛仲祖光祿王道豫靈臺郎顧君苗著
作商仲堪諸人並悉用之咸歎其應速于時枳實乃爲
之貴難者曰傷寒熱病理中溫藥今不解之以冷而救
之以溫其可論乎余應之曰夫今詠時行始於項疆勅
色次於失眠發熱中於煩躁思水終於生瘡下痢大齊
於此耳忌海藻菘菜酢物桃李雀肉等

深師方同

阮河南療天行七八日熱盛不解艾湯方

苦酒 三升

葶藶子

二合 熬擣

生艾

汁取一升無生艾熟艾乾艾亦可用無艾

可艾根 擣取汁

右三味煎得一升頓服愈苦酒內一刀圭尤良此

宜療內有大熱也阮河南曰療天行凡除熱解毒無過

苦醋之物故多用苦艾言苦酒烏梅之屬此

其要也夫熱盛非苦醋之治不能愈熱在血中既不

時治治之又不治之藥如救火不以水必不可得

脫免也又曰今謂與多用辛散桂人參之屬此皆貴

價難得常有此行求之者必時而苦參青葙葶藶子

艾之屬所在盡有除熱解毒最良勝於向貴價藥也前

後數參並用之得病內熱者不必按常藥次也便以青

藉苦參艾苦酒療之但稍與促其間耳無不解千金集
驗同並

出於第

一卷中

又茵陳丸療瘴氣時氣及黃病瘡瘡等方

茵陳 二兩

大黃 三兩

豉 五合令煮

常

二兩

梔子人 二兩

鼈甲 二兩炙

芒消 二兩

杏人

二兩去
尖皮熬

巴豆

一兩去
心皮熬

右丸味擣篩蜜和為丸初得時氣三日內平且飲服每

服一九九如梧子大如人行十里久或吐或
或汗如

不吐及不利不汗更服一丸五里久不吐利斗則以熱
飲投之老小以意量減黃病痰癖時氣傷寒瘖瘳小兒
驚熱欲發癰服之無不差者療瘴特神驗有人患赤白
痢者服之亦差春初有宿熱依上法服之取吐利當年
不憂熱病忌莧菜蘆笋野猪肉生葱生菜
出第二卷中
千金同

張文仲察大行若已五六日不解頭痛壯熱四肢煩疼不

得飲食大黃湯方

大黃 半兩

黃連 半兩
去毛

黃蘗 半兩

梔子 半兩
擘

右四味切以水八升煮取六七沸內豉一升葱白七莖
煮取三升分三服此許推然方神良又療傷寒已五六

日頭痛壯熱四肢煩疼取汗竝宜老小忌猪肉冷水品小

備急
同

又支太醫桃葉湯熏身法

水一石煮桃葉取七斗以薦席自圍衣被蓋上安桃

湯於牀簣下取熱自熏停少時當雨汗汗遍去湯待

歇速粉之并炙大椎則愈

又廩丘蒸法

經云連發汗汗不出者死可蒸之如中風法後以問

張苗苗云曾有人疲極汗出臥單簣中冷但苦寒蹠

四日凡八過發汗汗不出苗燒地排葉蒸之則得大

汁被中傳粉極燥便差後用此法發汗得出療之急

同方

又療天行熱毒垂死破棺千金湯方

苦參 一兩

右一味以酒二升半舊方用苦酒煮取半升去滓

併服當吐如焯膠便愈神驗

肘後同延年治天行四五日結脅滿痛壯熱身痛出

第二卷中

年祕錄療天行頭痛壯熱一二日水解散方

麻黃

四兩 去節

大黃

三兩

黃芩

三兩

桂心

二兩

其草

二兩 炙

芍藥

二兩

右六味擣篩為散患者以生熟湯浴訖以煖水和服方

寸七覆取汗或利則便差丁彊人服二方寸七忌海藻

生葱菘菜生菜

古今錄驗同干金無黃芩芍藥

又梔子湯主天行一二日頭痛壯熱心中熱者方

梔子 三兩

黃芩 三兩

豉 一升熬綿裹

葱白 切一升

石膏 四兩碎綿裹

乾葛 四兩切

右六味切以水七升煮取二升六合去滓分溫三服如

人行八九里再服忌麪酒生冷等物

又解肌湯主天行病二三日頭痛壯熱者方

乾葛 四兩

麻黃 三兩去節

芍藥 二兩

黃芩 二兩

右七味切以水八升煮取二升半去滓分三服得汗愈

忌海藻菘菜生葱等 蔣孝璋處

又療欲似天行四五日熱歇後時來時往惡寒微熱不能

食者知母湯方

知母 二兩

枳實 三兩

梔子人 三兩

豉 一升 蒸 別裹

右四味切以水六升煮取二升半去滓分溫三服如人

行八里一服忌蒜麪

又療天行五日頭痛壯熱食則嘔者竹筴飲方

竹筴 二兩

生薑 三兩

黃芩 二兩

梔子人 二兩

右四味切以水五升煮取一升六合去滓分溫三服忌
蒜熱麩等五日

又療天行五六日頭痛骨節疼痛腰痛兼痢黃芩湯方

黃芩 三兩

梔子人 三兩

芍藥 二兩

鼓 一升
綿裹

右四味水六升煮取二升半去滓分三服忌物依前

又柴胡湯天行五六日壯熱骨煩疼兼兩脅連心肋下氣
脹急硬痛不能食恐變發黃者方

柴胡 三兩

枳實 三兩
炙

枳椇 二兩

黃芩 三兩

梔子人 三兩

茵陳 二兩

龍膽 二兩

大黃 三兩
切

右八味切以水九升煮取二升七合去滓分溫三服忌

熱麩蒜

並出第九卷中

又竹筴飲主痢後得天行病頭痛三四日食即嘔吐者方

竹筴 二兩

橘皮 二兩

生薑 四兩

人參 二兩

蘆根 切一升

粳米 一合

右六味切以水六升煮取二升五合去滓分温五六服

中間任食忌熱麩生冷 張文仲處

又療天行熱病七八日成黃面日身體悉黃心滿喘氣盛

氣急者茵蘄丸方

茵蘄 三兩

大黃 五兩

梔子人 二兩

黃芩 二兩

鼈甲 二兩

常山 二兩

芒消 二兩

巴豆 一兩去皮心熬

升麻 二兩

豉 三合 蒸

右十味搗篩以蜜和為丸如梧子大患者飲服三丸以得吐利則差忌葷菜生葱生菜野猪肉蘆笋出第十卷中救急療天行熱氣頭痛骨肉酸疼壯熱等疾若初病一日在毛髮二日在皮膚三日在肌肉必未得取利且宜進豉尿湯方

豉 一升

葱白 切一升

小便 三升童子者為佳

右三味先熬豉及葱白令相得則投小便煮取一升澄清及熱頓服或汗或利但差則得如未歇依前更進一劑頻用有效

又如不除進柴胡湯方

麻黃 二兩陳者去節 柴胡 三兩 黃芩 三兩 甘草 二兩炙

乾葛 三兩 石膏 五兩碎綿裹 葱白根 切一升勿令有青處青即熱白即冷

一作桑根皮 豉七合 綿裹三沸出之

右八味切以水九升宿漬藥明旦先煮麻黃令沸掠去

上沫然後并諸藥煮取一升七合分三服服別相去三

食頃良久覆取汗汗出以粉拭之惡寒多加桂心一兩

忌海藻菘菜等

又療天行病不即差經四五日渴引飲心上急強手不得

近又不得眠荒亂此則是黃不必得待刺黃始服藥凡是

心強氣急不得眠臥服此湯吐即差瓜蒂散方

瓜蒂

僅量一合熬令似黃勿令焦

小豆

一合小通按小弱量者量人弱量一之強弱而增減也

右一味搗篩為散凡有病如前候及天行病得四五日不飲皆宜服此方以漿飲五合和散一錢七服之二食久必吐不吐更與半錢七服吐畢即差中男以上量意斟酌服之

又天行病若大困患人舌燥如錦極渴不能服藥者宜服乾糞湯一名破棺湯解大熱方

陳久乾人糞

升一大

右一味以沸湯一大升沃此糞一食久澄清瀝取一升

頰腋如渴不止者又依前法更服此宜灸從心膺骨

下一寸半名巨闕取患人中指節為寸灸三十壯若無

心厭骨則以中指節前量橫括心上至岐骨上兩頭築

著骨當橫量下以前一寸當中直下則是巨闕也土弱氏曰

同身寸以心鳩尾下至臍折筭

必效療天行一二日者方

麻黃一大兩去節

右一味以水四升煮去沫取二升去滓則著米一匙及

豉為稀粥取強一升先作生熟湯浴淋頭百餘梳然後

服前粥則厚覆取汗於夜最佳

又療天行病經七日以上熱勢彌固大便澁秘心腹痞滿
食飲不下精神昏亂恍惚狂言浪語脉沈細衆狀之中一
無可救宜決計服此鼈甲湯方

鼈甲 二兩 炙

細辛 二兩

桂心 二兩

白朮 二兩

生薑 四兩

吳茱萸 二兩

白鮮皮 二兩

附子 一兩 半炮

枳實 二兩 炙

茵蘗 二兩

大黃 三兩 切

右十一味切以水八升煮取二升六合去滓分三服服
別相去如人行五里進一服忌生葱生菜菹菜猪肉桃
李雀肉等

又療天行十日以上腹微滿譫語或汗出而不惡寒體重

短氣腹滿而喘不大便繞臍痛大便乍難乍易或見鬼者
大承氣湯方

大黃 四兩

厚朴 半斤

陳枳實 五枚

芒消 三合

右四味切先以水一斗煮二味取五升去滓內大黃復
煮取二升去滓內芒消煎令三兩沸適寒溫分再服得

下者止不下更服之

並出第三卷中此
張仲景傷寒論方

古今錄驗八毒大黃丸療天行病三四日身熱目赤四肢
不舉產乳後傷寒舌黃白狂言妄語亦療溫病已後飛尸
遁尸心腹痛隔上下不通癰飲積聚癰腫苦痛溫中摩痛
上諸毒病方

藜蘆

二分

大黃

三分

朱砂

五分

蜀椒

四分

雄黃

四分

巴豆

四分去皮蒸

桂心

四分

右七味搗篩蜜和為丸如麻子大飲服三丸當下不差

更服合時勿令婦人雞犬見之忌生葱野猪肉蘆笋狸

肉生血物

又牽馬丸療天行病四五日下部生瘡醫所不能療者方

附子

一枚

藜蘆

一兩

桂心

一兩

巴豆

一兩去心皮熬

右四味搗篩研巴豆如膏和散蜜丸如梧桐子空腹服

二丸熱在膈上不下飲半升熱飲投吐之後下下部瘡

自差神良病家嘗牽馬買藥因名牽馬丸老小半之以

意消息之忌野猪肉生葱狸肉蘆笋等物

又療若六七日熱盛心煩狂言見鬼者方

絞人糞汁飲數合服良

出第三卷中

近効療天行三日外若忽覺心上妨滿堅硬脚手心熱則

變為黃不療殺人秦艽湯方

秦艽 一兩

紫草 一兩

白鮮皮 一兩

黃芩 一兩

梔子 一兩

右五味切以水一大升半牛乳一大升煮取七合分為

二服老小以意量之一劑不愈更喫一劑試有効

天行病方七首

此方兼療傷寒為題二天行所以入天行部

許仁則云此病方家呼爲傷寒有二種有陰有陽陰傷寒者反於陽是也陽傷寒狀表裏相應心熱則口乾苦肝熱則眼赤暈脾熱則穀道稍澀腎熱則耳熱赤肺熱則鼻乾渴胃熱則嘔逆大腸熱則大便秘澀小腸熱則小便赤少皮膚熱則脈洪數身體熱反此者乃陰傷寒夫傷寒者則爲寒所傷也寒生陰陰主殺凡人陰陽調則無病氣旣爲寒所傷便致斯疾也

又論陰陽傷寒者則毒氣傷陰陽氣也人身中有陰陽之氣陰陽者則寒熱也本以陰爲毒所傷則不能流行陽熱獨王故天行多熱者也以病於諸病之中最難爲療陰陽

二病陰尤可憂耳時聞有此病而多倉卒死者不少或由
誤候不能精審方藥未達指歸飲食乖宜寒溫失節故致
彌自心不全甄別他醫難得精妙與其療也寧可任之但
能滋味適寒溫將理中間冷暖守過七日此最爲得計其
中事須服藥不可徒然者唯多日大便不通暫須一轉洩
耳病經一二日覺身體壯熱頭痛骨肉酸楚背脊強口鼻
乾手足微冷小便黃赤此是其候若如是宜先合煮桃柳
等三物湯浴之方

桃枝

細切
五斗

柳葉

細切
五斗

酢漿水

一斗

右藥先以水一石煮桃柳枝葉二物取七斗汁去滓內

醋漿水攪帶蒸以浴浴訖拭身體令乾以粉摩之勿觸
風則於密處刺頭眼後兩邊及舌下血斷以鹽末摩刺
處則入被臥

又後服解肌乾葛等五物飲微覆取汗如病根輕者因此
或歇方

葛根 切五合

葱白 切一升

生薑 切一合

豉心 一升綿裹

粳米 二合研碎

右藥切以水五升煮取豉心以上四味取三升半汁去
滓內粳米屑煮令米爛帶蒸頓噉候盡微覆取汗無所

忌

又依前浴等法不覺歇宜更作雞子湯重洩之方

新穀產雞子五枚

右各破頭瀉置一盞中別加一雞子水以筋攪令極渾
別用水一升煮極沸則投雞子於湯中微攪纔似熟則
瀉置椀中內少醬清似變腥氣帶熱噉令盡覆使汗出
又依前雞子湯出汗汗洩當歇如不覺退合梔子等六味
散以下之方

梔子

三十枚

乾葛

五兩

茵陳

二兩

蜀升麻

三兩

大黃

五兩

芒消

五兩

右藥切合擣為散以飲服三方寸七服之須臾當覺轉

外臺秘要
則利也如經一兩食頃不利且以熱飲投又不利即斯
須更服一方寸七還以飲投得利為度後適寒溫將息
更不須服此也

又依前梔子等六味散取利復不覺退加嘔逆食不下口
鼻喉舌乾燥宜合生蘆根八味飲子細細服之方

生蘆根

切一升

生麥門冬

二升去心

生薑

五兩

人參

二兩

知母

二兩

烏梅

十顆

白蜜

一合

竹瀝

三合

右藥切以水八升煮取三升去滓內蜜瀝等攪令調細
細飲不限遍數冷煖亦不限食前後服此飲子雖不能
頓除熱病然於諸候不覺有加體氣安穩心腹不冷意

又欲得此飲任重合但依前服之如熱勢不退心腹妨
滿飲食漸少心上痞結則不可重服之

又依前生蘆根等八味飲子飲之諸狀不歇漸不下食心
腹結使不得手近有時觸著痛不可忍既是熱病體氣合
熱骨肉疼痛脉合洪數口合苦爽食合嘔逆體氣反涼脉
反沈細飯食反下反不知痛惱大小便秘塞心上如石痛
不可近視脣急鼻張手眼弄繹狂言妄語此由熱極將息
酷冷飲食寢寐唯冷是求熱結在心無因通洩如有此者
十不救二三更不可以常途守之當須作成敗計耳此非
半夏等十味湯無奈之何其中有諸狀與此無別但加身

體黃眼白睛色如黃藥此是急黃如有亦不可守常法還

宜合後湯救之方

禹德按

疑熊字

三字可

辨或是

初

半夏

五兩熊州者湯洗去滑汁盡疑熊字

乾薑

三兩

吳茱萸

二兩

桂心

二兩

白朮

三兩

細辛

三兩

柴胡

三兩

牡丹皮

三兩

大黃

五兩

芒消

二兩

右藥切以水一斗煮取三升去滓內芒消攪令消盡分

溫三服每服如人行十里久若服一服利後須伺候將

息勿更進湯藥但研好粟米作汁飲細細與之如覺利

傷多可以酢飯止稠酢漿粥亦得忌羊肉鴿生葱生菜

桃李雀肉胡荽等

不休前成賦計服半夏等十味湯後雖得毒熱勢退利尚

不休體力漸弱宜合人參等五味散細細服之

人參 五兩 生犀角 未二兩 烏梅肉 三兩 生薑屑 三兩

黃連 三兩去毛無亦可 以龍骨四兩代之

右藥搗篩為散以飲服一方寸七日三服初加至二七

忌猪肉冷水等 吳昇同

天行嘔逆方七首

病源胃家有熱穀氣入胃與熱相并氣逆則嘔或吐下後

飲水多胃虛冷亦為嘔也 出第九卷中

廣濟療天行惡寒壯熱食則嘔逆前胡湯方

前胡 一兩

麥門冬 二三兩 去心 竹筴 二兩

橘皮 一兩

甘草 一兩

生薑 二兩

生地黄 四兩 切

右七味切以水七升煮取二升三合絞去滓分温三服

服如人行六七里進一服忌海藻菘菜蕪荑熱麪猪犬

肉油膩 出第一卷中

崔氏療天行數日或十許日而表不解心下有水熱毒相

搏遂嘔時復有效者增損阮氏小青龍湯方

麻黃 二兩 去節

芍藥 二兩

桂心 一兩

甘草 二兩 炙

細辛 一兩

右五味切以水六升煮取二升温服七合阮本湯方等

分雖未嘗用嫌其太溫余增損其分兩以療十餘人

愈忌海藻菘菜生菜等 出第一卷中

近効時天行壯熱嘔逆不下食橘皮湯方

生薑 四兩 茯苓 三兩

治... 以水五升煮取一升五合去滓分溫五六服

... 服盡忌大酢蒜麪 李處儉張文仲等並同出第九卷中

必初療天行嘔吐不下食方

取臘月兔頭并皮毛燒令煙盡擘破作黑灰擣羅之

以飲汁服方寸匕則下食不差更服燒之勿令大耗

無所忌比用頻効 出第一卷中

救急療天行後嘔逆不下食食入則出方

取羊子肝如食法作生淡食不過三兩度則止

文仲同

又方

以雞子一枚於沸湯中煮三五沸則出水浸之外寒

內熱則吞之神効無所忌 並出第一卷中

集驗療天行後氣膈嘔逆不下食生蘆根湯方

燈心 一分

生麥門冬

十二分 去心

人參

四分 切

生蘆根

一大 搥切

右四味以水一大升煎取八合去滓分温三服

天行嘔噦方七首

病源伏熱在胃令人胃滿胃滿則氣逆氣逆則噦若大下

積胃氣虛冷亦令致噦也 出第九卷中

肘後療嘔哕不止橘皮甘草湯方

甘草 一兩
橘皮 三兩
升麻 半兩
生薑 三兩

右四味切以水三升煮取一升盡服之日三四作當

忌海藻菘菜 文仲同出第二卷中

文仲近効療嘔逆麥門冬飲子方

麥門冬 去心
蘆根
人參 各二兩

右三味切以水六升煮取二升七合去滓分溫五服徐

徐服常用有驗

又方

飲生薑汁三二合大良

又方

枇杷葉去毛煮飲之作粥亦佳 出第一卷中

又方

研油麻汁煮菘豆令爛取半升許以手掌大摺皮燒

作灰篩之內豆中和食 出第二卷中

救急療天行乾嘔若噦手足逆冷薤豉粥方

薤白

升切一

香豉 一升

白米

四合

右三味以水一升煮豉一沸漉去滓下薤及米煮為稀

粥進兩碗良

又療天行後噦欲死兼主傷寒小半夏湯方

半夏

五兩洗去滑

生薑

八兩切令薄細勿令濕惡經水浸者為好

右二味各以水三升別煮各取一升半去滓二汁相和

一處共煮取二升分三服服相去如人行十里久當令

下食其噦不過俄頃則止近二公及任理居中屬續得

之明奉御來彖執秘此方但止煮藥送來彖與方郎中

煮宋本作者

隣居後乃方便得之大良効忌羊肉傷

傷寒論同並出在第一卷中

天行喉咽痛方二首

尚德按在字疑行

病源陰陽隔絕邪客於足少陰之絡毒氣上熏攻於喉咽

故痛或生瘡也

出第九卷中

深師療天行毒病或下不止喉咽痛黃連馬通湯方

小豆 一升

黃連

一兩
去毛

馬通汁

三升

吳茱萸

一兩

右四味以馬通汁令煮取一升盡服不差復作有效忌

猪肉冷水

出第十四卷中

古今錄驗青木香湯療春夏忽喉咽痛而腫兼下痢方

青木香

二兩

黃連

一兩
去毛

白頭翁

二兩

右三味切以水五升煮取一升半分溫三服小兒若服之一服一合忌猪肉冷水

出第三卷中

天行衄血方四首

病源天行衄血者五藏熱結所為心主於血邪熱中於手

少陰之經客於足陽明之絡故衄血衄者血從鼻出

深師療天行毒病鼻衄是熱毒血下數升者方

勿療自差亦無所苦亦可取好松烟

白和丸丸如梧桐子大水下一服十

又黃土湯療鼻衄去五藏熱氣結所為或吐

當歸

甘草 炙

芍藥

黃芩

芫蕪

各三兩

桂心

一兩

生地黄

一斤

釜月下焦

土

如雞子一枚碎綿裹

青竹皮

五兩

右九味切以水一斗三升煮竹皮減三升去滓內諸藥

考者 二 三 四 五 六 七 八 九 十 十一 十二 十三 十四 十五 十六 十七 十八 十九 二十

煮取三升分四服忌海藻菘菜生葱

又方

黃芩 四兩

右一味切以水五升煮取二升分三服亦療婦人漏下血

又療脉浮大鼻中燥如此必去血鼻衄方

灸兩臂中脉取止取臂脉法以鼻嗅臂點其鼻尖所

著處是穴兩臂皆爾 出第十四卷中

天行口瘡及口乾苦方四首

病源發汗下後表裏俱虛而毒氣未盡熏於上焦故喉口

宋本卷
失字

生瘡也
深師療天行熱盛口中生瘡酪酥煎丸

酪酥 三合
蜜 三合
大青 一兩

右三味合煎三沸稍稍傳口以差為度

又口瘡方

取蛇莓五升擣絞取汁稍稍飲之
並出第十四卷中

集驗療天行熱病口瘡升麻湯方

升麻 二兩
通草 四兩
射干 二兩
羚羊角 三兩
屑

芍藥 三兩
生蘆根 切一升

右六味切以水七升煮取三升分為三服如人行五里

更服 古今錄驗同

又療天行熱病口苦下氣除熱喉中鳴石膏蜜煎方

石膏 半斤 蜜 一升

右二味以水三升煮石膏取二升乃內蜜復煎取一升

去滓含如棗核許盡更含 千金同並出第二卷中

天行欬嗽方五首

病源熱邪氣客於肺上焦有熱其人必飲水水停心下

上乘於肺故上氣而欬也 出第九卷中

廣濟療天行壯熱欬頭痛心悶前胡湯方

前胡 升麻 各八分 貝母 紫菀 各六分

石膏

十二分 碎 棉裏

麥門冬

八分 去心

杏仁

三十枚 去尖皮 兩人

竹葉

切

甘草

二分 炙

右九味以水八升煮取二升絞滓分温二

相去如人指六之里進一

臙猪魚等

又療天行肺熱欬嗽有瘡地黃湯方

生地黃

切 一升

升麻

玄參

芍藥

柴胡

麥門冬

去心 各八分

貝母

六分

竹葉

切 一升

白蜜

一合

右九味切以水九升煮取三升絞去滓內蜜再上火煎

三沸含咽其汁勿停中間不妨食不利忌蕪蕒熱麪猪

大肉油膩

又療天行後乍寒乍熱昏昏不省覺脅下痛百節骨痛欬不能下食兼口舌乾生瘡柴胡湯方

柴胡 八分

升麻 六分

芍藥 六分

黃芩 六分

甘草 五分

石膏 十二分
碎綿裏

生麥門冬 六分
去心 葱白 半分

香豉 六分
綿裏

生薑 六分

竹葉 一分
切一升洗

右十一味切以水九升煮取二升五合絞去滓分温三

服服別相去如人行六七里進一服不吐不利差忌海

藻菘菜熱麪油膩

並出第一卷中

集驗療天行病上氣欬嗽多唾黏涎日夜不定生薑煎方

生薑

三兩去皮切如豆粒大

右一味以錫半斤和微煎令爛每日無間早晚少少含

仍嚼薑滓一時嚥之

必効療天行病後因食酒麩肺中熱擁遂成欬不止方

桑白皮

十二分

桔槿

十分

肥乾棗

二十一枚擘

麻黃

六分去節

曹州葶藶子

十分熬令紫色今為膏湯成下

右五味切先以水四升煮桑白皮等四味可取一升半

去滓下葶藶子膏更煎三五沸去滓分温五服空心食

後服或利勿怪忌猪肉油膩生冷果子等物

天行發斑方三首

病源夫熱病在表已發汗未解或吐下後熱毒氣不散煩躁謬語此爲表虛裏實熱氣燥於外故身體發斑如錦文凡發斑不可用發表藥令瘡開洩更增斑爛表虛也

九卷

中

肘後比歲有病天行發斑瘡頭面及身須臾周匝狀如火瘡皆戴白漿隨決隨生不卽療劇者數日必死療得差後瘡癥紫黯彌歲方滅此惡毒之氣也世人云以建武中於南陽擊虜所得仍呼爲虜瘡諸醫參詳作療用之有效方取好蜜通身摩瘡上亦以蜜煎升麻數數拭之亦佳

又方

以水濃煮升麻漬綿洗之苦酒漬煮彌佳但燥痛難

忍也 並出第二卷中

文仲陶氏云天行發斑瘡須臾遍身皆戴白漿此惡毒氣

方

云永徽四年比瘡從西域東流于海內但煮葵菜葉

蒜蠶啖之則止鮮羊血入口亦止初患急食之少飯

下菜亦得 出第二卷中

天行發瘡豌豆疱瘡方一十三首

病源夫表虛裏實熱毒內盛攻於藏腑餘氣流於肌肉遂

高德按
此時後
作此

於皮膚毛孔之中結成此瘡重者匝遍其身狀如火瘡若根赤頭白則毒輕若色紫黑則毒重其瘡形如豌豆亦名豌豆瘡脉洪數者是其候也

出第九卷中

千金療人及六畜天行熱氣病豌豆瘡方

濃煮黍穰汁洗之若是穉穰則不差瘡若黑者搗蒜封之又煮乾芸薑汁洗之

又方

真波斯青黛大如棗水服之差

又熱病後發豌豆瘡方

黃連三兩去毛水二升煮取八合頓服之忌猪肉冷

水

又若赤黑發如疥大者方

煎羊脂摩傅之

又方

青木香二兩水三升煮取一升頓服之効

又方

小豆屑和雞子白傅之

又方

以月詠拭之

又療豌豆瘡初發覺欲作者方

煮大黃五兩服之 延年同

又療瘡出煩疼者木香湯方

青木香 二兩 丁香 一兩

薰陸香 一兩 白礬 一兩

麝香 二分

右五味以水四升煮取一升半分再服熱盛者加一兩
生犀角如無犀角以升麻代之如病輕去礬石大神効

又方

瘡上以芒消和豬膽塗勿動痂落無癥仍臥黃土未

上良此病小便澀有血者中壞瘡皆黑靨不出膿死

不療

內發瘡盛方

醋四合 大猪膽一具

右二味煎三沸一服一合日五服良驗

竝出第十卷中

延年療天行壯熱頭痛發瘡如豌豆遍身大青湯方

大青 三兩

梔子 二七枚擘

犀角 一兩

豉 五合

右四味切以水五升煮取二升分三服服之無所忌

古今錄驗水解散療天行熱氣則生疱瘡疼痛解肌出汗

方 出翟世平

麻黃 一兩去節

黃芩 三分

芍藥 二分

桂心 二分

右四味擣篩煖水解服二方寸匕覆令出汗日再服差

三卷本
二

者減之忌海藻菘菜生葱

延年同出第二卷中一方有大黃三分甘草二分

天行虛煩方二首

病源夫天行病陰氣少陽氣多故身熱而煩其毒氣在於心臍而煩者則令人悶而欲嘔若其人胃內有燥糞而煩者則謬語時繞臍痛腹滿皆當察其證候也 出第九卷中

又仲療天行表裏虛煩不可攻者但當與竹葉湯方

竹葉 二把

石膏 碎綿裹

麥門冬 去心

半夏 半升

人參

甘草

各二兩

右六味切以水一斗煮取六升去滓內粳米一升煮米

熟去之分五服嘔者與橘皮湯湯方在上嘔宛篇中不

名竹葉 石膏 竹人參 石膏 兩升 麥門冬

本草
字無

愈者重作此宮泰數用甚効若傷寒後虛煩亦宜服此
方是仲景方忌羊肉海藻菘菜餒

又療虛煩不可攻方

青竹茹 二升

右一味以水四升煎至三升去滓分溫五服徐徐服之

天行狂語方三首

病源夫病熱盛則弃衣而走登高而歌或至不食數日踰
垣上屋所上非其素時所能也病反能者皆陰陽氣爭而
外并於陽四肢者諸陽之本也陽盛則四肢實實則能登
高而歌熱盛於身故弃衣而走陽盛故妄言罵詈不避親

商德按
千金道
作導白
至二兩

外臺秘

疎大熱遍身狂

口妄見妄聞也

出錄心卷中

千金水道散療天行病煩熱如火狂言妄語欲走方

白芷 一兩

甘遂 一兩
熬

右二味擣篩以水服方寸匕須臾令病人飲冷水腹泄

則吐之小便當赤也一名濯腹湯此方療大急者

出錄心卷十

中文仲
范汪同

又五苓散主天行熱病但狂言煩躁不安精采言語與人
不相主當方

猪苓 三分

白朮 三分

澤瀉 五分

茯苓 三分

桂心 二分

右五味擣篩為散水服方寸匕日三服多飲煖水汗出

愈忌大醋生葱桃李雀肉等

張仲景論深師同出第九卷中

古今錄驗療天行壯熱狂言謬語五六日者方

雞子 三枚

芒消 方寸七

井花水 一杯

右三味合攪盡服之心煩下則愈

出第三卷中

天行熱毒攻手足方五首

病源熱毒氣從藏腑中出攻於手足則焮熱赤腫疼痛也

人五藏六腑并榮輸皆出於手足指故此毒從內而出攻

於手足也

出第九卷中

肘後療天行病毒熱攻手足疼痛赤腫欲脫方

尙德按
肘後云
鹽豉及
尿一
搗令
熬以漬
乏李時
珍本草
羊燭下
亦引之

鹽豉及羊肉一斤以來

右三味以水一斗煮肉熟以汁看冷煖漬手足日三度

差 范汪同

又方

細剉黃蘗五斤許以水三斗煮漬之必効亦治攻陰

腫

又方

作坎令深三尺大小容兩足燒坎中令熱以酒灌坎

中著履踞坎上衣壅勿令氣泄日再作之

又方

煮羊桃葉汁漬之加少鹽尤好

並出第二卷中

崔氏療天行熱毒攻手足方

猪蹄一具去毛剉碎合葱白一握切以水一斗煮熟

去滓內少鹽以漬之 肘後同出第一卷中

天行大小便不通脹滿及澀方四首

病源天行大小便不通此由脾胃有熱發汗太過則津液

竭津液竭則胃乾燥結熱在內故大便不通又汗後津液

虛少其人小腸有伏熱故小便不通 出第九卷中

廣濟療天行熱氣惡寒頭痛壯熱大小便澀柴胡散方

柴胡 八分
茵陳 十分
青木香 十分
黃芩 八分

土瓜根 十分
白鮮皮 八分
梔子人 十分
大黃 二十分

芒消 十二分

右九味搗為散平辰空肚以新汲水服五六錢匕少時

當三兩行微利利後煮葱豉稀粥食之熱如未歇明辰

更服四錢匕熱歇停藥忌熱食猪犬肉油膩等

又療天行惡寒壯熱頭痛大小便赤澀不下食飲柴胡湯

方

柴胡 七分
茵陳 七分
大黃 十二分
升麻 七分

梔子 四枚
芒消 四分
芍藥 七分
黃芩 十二分

右八味切以水四升先漬藥少時猛火煮取一升五合

高德
辰
且

分溫三服服別相去如人行六七里喫一服以快利爲

度第二服則利更不須服之忌熱食炙肉蒜粘食竝出第一

中卷

近効主天行後兩脅脹滿方

熬鹽熨之如小便澀亦用鹽熨臍下如水腫以穀枝

汁服愈大効

集驗療天行病腹脹滿大小便不通滑石湯方

滑石

十四分研

葶藶子

一合紙上熬令紫色搗

大黃

二分切

右三味以水一大升煎取四合頓服兼搗葱傅小腹乾

卽易之効

附後崔氏同無大黃

天行熱痢及諸痢方四首

病源此由熱氣在腸胃挾毒則下黃赤汁也又熱毒傷於

腸胃故下濃血如魚腦或爛肉汁壯熱而腹絞痛此溫毒

熱氣所為也 此出第九卷中

深師療天行毒病酷熱下痢七物升麻湯方

升麻 去毛 當歸 去毛 黃連 去毛 甘草 炙

芍藥 桂心 黃蘗 各半兩

右藥切以水三升煮取一升頓服之忌海藻菘菜猪肉

冷水生葱等物

又天行諸下悉主黃連湯方

由德按
瘵病源
作膿

黃連 三兩 去毛
黃蘗 二兩
當歸 二兩

右三味以水六升煮取三升去滓內蜜一合微火煎取

二升半分三服良驗忌猪肉冷水 並出第十四中一方 有雜骨一兩

范汪療天行熱毒下痢赤白久下膿血及 部毒氣當下

細蟲如布絲縷大或長四五寸黑頭銳尾麝香丸方

麝香 一分
附子 二分 炮
雄黃
丹砂

乾薑 各二分

右五味各擣下篩訖復更合治之蜜和為丸如小豆大

飲下一丸老少半之効驗忌猪肉生血等 出第三十 三卷中

甲乙方療天行熱病差後痢膿血不止方

龍骨 一兩

右一味搗研為末米飲下一錢不計時節日三服佳

天行蠱瘡方八首

病源毒熱結在腹內穀氣衰毒氣盛三蟲動作食人五藏多令泄痢下部瘡痒若下脣内生瘡但欲寐者此蟲食下

部也重者肛爛見五藏 出第九卷中

漂師療天行下部瘡爛方

烏梅 二十七枚

大蒜 二十七枚

屋塵 半升篩取細者

右三味搗篩為散苦酒一升和調於銅器中煎成丸作

長挺內下部

范汪同出第十四卷中

范汪療人下部中痒方

蒸棗取膏以水銀熟研丸之令相得長二三寸以綿薄裹內大孔中蟲出差

又療穀道中瘡方

以水中荇葉細擣綿裹內下部日三附後同

又療天行蠶蟲食下部生瘡雄黃兌散方

雄黃 半兩 青箱子 二兩 苦參 黃連 各二兩

桃人 一兩半去皮尖及兩人熬

右五味合擣篩綿裹如半棗核大內下部亦可米汁服方寸七日三服忌猪肉冷水及熱麩炙肉蒜等物

又桂枝湯療天行蠱病方

桂心 二兩

小藍 二兩

右二味咬咀以水一斗煮取二升半內猪肝一兩去上

膜細研著湯中和令相得臨時小溫若毒悉在腹內

服之在下部者三分藥中用一分竹筒內下部中

一時間當下細蟲如髮大五六升小兒半作忌生葱

並出第三十三卷中

文仲姚氏療天行病蠱下部生瘡方

濃煮桃皮煎如糖以綿令導下部中若口中生

之附後范汪同出第二卷中

甲乙方療天行病有蠶蟲蝕下部生瘡青葙子散方

青葙子 一兩

藿蘆 二兩

狼牙 一兩

橘皮 一兩

苦參 三兩

右五味搗篩為散米飲和服方寸匕日三服未差更服

以差為度

又療天行痢膿血下部生蠶蟲黃連丸方

黃連 三兩末

蠟 一兩

烏梅肉 三兩

右三味鎔蠟和蜜為丸如梧子大空心米飲下三十九

再服加至四十九丸差忌猪肉冷水

天行陰陽易方二首

病源天行陰陽易病者是男子婦人天行病新差未平復而與交接得病者名爲陰陽易也其男子病新差未平復而婦人與之交接得病者名爲陽易其婦人新病差未平復男子與之交接得病者名爲陰易若二男二女並不相易所以呼爲易者陰陽相感動其毒度著於人如換易也其病狀身體熱衝胃頭重不能舉眼中生眵四肢拘急小腹絞痛手足拳皆卽死其亦有不卽死者病苦小腹裏急熱上衝胃頭重不欲舉百節解離經脈緩弱血氣虛骨髓竭便噓噓吸吸氣力轉少著牀不能搖動起止仰人或歲月方死

深師療丈夫得婦人陰易之病若因房室及諸虛勞少腹
墜絞痛陰縮困篤欲死方

灸陰頭一百壯便差可至三百壯皆愈良無比後生

子如故無妨 范汪同無所忌

又療陰陽易病方

取豚卵二枚溫令熱酒吞之則差 出第十四卷中

天行虛羸方二首

病源夫六榮衛先虛復爲邪熱所中發汗吐下之後經絡
損傷陰陽竭絕虛邪始散真氣尚少五藏猶虛穀神未復
無津液以榮養故虛羸而生衆病焉 出第九卷中

崔氏療煩躁而渴不止惡寒仍熱盛者竹葉湯常用亦佳
不徒療天行凡虛羸久病及瘧後曾上痰熱者服之皆如
方

甘草 二兩

棗 十五枚

半夏 一兩

芍藥 三兩

前胡 一兩

黃芩 二兩

小麥 五合

人參 二兩

粳米 一升

知母 二兩

麥門冬 四合

栝樓 一兩

生薑 四兩

竹葉 一把須以竹籛飲代

右十四味切以竹籛飲一斗五升煮取五升分三服

非天行而虛羸久病曾生痰熱亦可服之加黃耆二兩

除黃芩減知母 兩除栝樓用之大効忌羊肉海菜菘

三家本
作五
臣宋本
作上

菜餚

出第一卷中
通按蓀乃小竹即箭竹也

千金補虛大病後不足萬病虛勞同此方

取五歲以上七歲以下黃牛新生者乳一升以水四

升煎取一升如人肌稍稍飲之不得過多十日不住

服佳 出第十卷中

天行差後禁忌方二首

集驗云凡熱病新差及大病之後食猪肉及腸血肥魚油

臙等必大下痢醫不能療也必至於死若食餅餌粢黍飴

脯鱠炙棗栗諸果及堅實難消之物胃氣尚虛弱不能消

化必更結熱適以藥下之則胃中虛冷大利難禁不下必

死下之復危皆難救也熱病之後多坐此死不可不慎也
病新差但得食糜粥寧可少食令飢慎勿飽不得他有所
食雖思之勿與引日轉久可漸食羊肉糜若羹汁兔雉鹿
肉慎不可食猪犬肉也新差後當靜臥慎勿令人梳頭洗
面非但體勞亦不可多言語用心使意勞凡此皆令勞復故
督郵顧子獻得病已差未健詣華亭視脉專曰雖差尚虛
未復陽氣不足勿爲勞事餘勞尚可御內卽死臨死當吐
舌數寸其妻聞其夫病除從百餘里來省之止宿交接中
間三日發病舌出數寸而死病新差未經百日氣未平復
而以房室者畧無不死也蓋正疾愈後六十日已能行射

獵以房室則吐涎而死及熱病房室名為陰陽易之病皆

難療多死近者有士大夫小得傷寒發汗已十餘日能乘

馬行來自謂平復故以房室則小腹急痛手足拘拳而死

出第二卷
中千金同

深師說天行病未復

疆食黃花菜手足稍重一方云青花

天行病差

食鮓鱠必變成

癡又食鱧魚肉結氣不化

天行病差

飲酒合陰陽復必死

天行病損未滿三月日

食鱧鮓肉則復下血食鹽鼓令人四肢不舉

天行病差

食諸菜有花者三年肌膚不充

天行病

未好時食生瓜芥三月流腫也

天行病差

食菜合陰陽復必死

千金天

行病差

後未滿五日食一切肉麪者病更發困

天行病差

食芥鱠作疽

天行病差

新起飲酒及食蕤菜病更發

天行病新差

食生魚鮓下痢必不止

天行病差

食生菜顏

色絕身不平復天行病新汗解飲冷水者損心天行病未損食犬肉并

葫荑合食之復則死天行病差食生棗及羊肉天行新差食犬肉羊

蒸天行病差食魚肉并瓜生天行病差食蒜膾者病發大

天行勞復食復方六首

病源夫病新差血氣尚虛津液未復因即勞動更成病焉

若言語思慮則勞傷於神梳頭澡洗則勞於力未堪勞而

强勞之則生熱熱氣既還入經絡復為病者名曰勞復又

病新差脾胃尚虛穀氣未復若食肥肉魚膾餅棗栗之屬則

未能消化停積在於腸胃使脹滿結實因更發熱復為病

者名曰食復並出第九卷中

廣濟療患天行熱氣差後勞發頭痛如初病者鼠矢湯方

雄鼠屎

三七枚熬末湯成下

乾葛

二兩

梔子

十四枚擘

葱白

一升

豉

八合

右五味切以水三升煮取一升七合去滓內鼠屎末分

溫二服服別相去如人行六七里微汗內消不利忌如

藥法

又療患數日復勞發者枳實湯方

枳實

三枚炙

梔子

十四枚擘

葱白

切一升

香豉

半升

鼠屎

二十七枚

右五味以水一斗煎取二升五合分溫三服服別相去

如人行六七里進一服內消不利忌如藥法 並出第一卷中

深脚竹葉湯療天行後虛熱牽勞食復四肢沈重或一臥

一之氣力吸吸羸弱方

竹葉 一把 小麥 一升 甘草 一兩 石膏 二兩

茯苓 二兩 半夏 一升 前胡 二兩 知母 二兩

黃芩 二兩 人參 二兩 生薑 四兩 大棗 三十枚

右十二味切以水一斗二升煮竹葉小麥減四升去滓

內藥煮取三升分三服忌海藻菘菜醋物羊肉鴿等物

備急療勞復方

以粉三升以煖飲和服厚覆取汗又以水和胡粉少

許服之亦佳 出第一卷中

延年葛根飲主熱病勞復身體痛天行壯熱煩悶葛根湯

方

葛根 一兩
葱白 一握
豉 半升
米 一合

右四味先切葛根以水九升煮取七升則內葱白更煮
取四升去葛及葱滓訖則內豉及少許米煮取三沸並
瀘去米等滓分四服當有汗出即差明旦又更作服心

猪肉蒜等 並出第九卷中

必効療天行勞復鼠矢湯方

雄鼠屎 五枚兩
頭尖者 豉 一升
梔子 二十枚
枳實 三枚
炙合

小臺必受 三卷

但宋本
作要

云宋本
作生

右四味以水五升改二升四合分四服相去一升久

若覺大便澀加大棗二兩出第一卷中

天行差後勞發方五首

許仁則云此病復發不但起動勞役或因飲食稍多而
言語過分或緣視聽不節或為動轉不常白成此相
甚者乃至不救劇於初得病時不可以復發而云臨易
復狀一如傷寒初有如此者宜合葱白等七味飲一
覆取汗方

葱白連鬚

切一升

乾葛

切六合

新豉

一合綿裹

生薑

切二合

生麥門冬

去心六合

乾地黄

六合

勞水八升

此水以杓揚之

過一千

右藥用勞水煎之三分減二去滓分溫三服相去行八
九里如覺欲汗漸漸覆之兼主傷寒忌蕪荑

又依前葱白等七味飲服之得可但適寒溫將忌以取安
穩若不覺可宜合萎藜等五味飲子服之方

萎藜五兩切

葱白切一升

豉心一升綿裹

粳米二合研碎

雄鼠屎七枚末之

右藥以水七升先煮豉以上取四升汁去滓內粳米屑

煮米爛內鼠屎末調頓服被安臥取汗差

又凡天行病差後準常令漸健能行履遂過限不堪起動

體氣虛羸每覺頭痛唇口乾乍寒乍熱發作有持或雖能
行動運轉然每作時節有前狀者冬、天行後不了了有此
宜合地骨白皮等五味飲子白薇等十味丸方細細服之

地骨白皮

三兩

知母

三兩

麥門冬

五兩

竹瀝

一升

白蜜

三合

右藥切知母以上和麥門冬然後以水六升煮取二升

去滓內竹瀝蜜攪調分溫三服服相去如人行十里久

如覺虛不能空腸頓盡欲開食服亦佳兼主傷寒

又若服前地骨白皮等五味飲子不可雖不能全退宜

合白薇等十味丸方

白薇 三兩

知母 四兩

地骨皮 三兩

乾地黃 六兩

麥門冬 五兩

甘草 四兩

蜀漆 三兩

萎蕤 三兩

橘皮 二兩

人參 三兩

右藥細切合搗篩縮羅爲散蜜和丸如梧桐子大初服以飲下十五丸日再服稍加至三十丸服經三數日後自候腹中若覺熱則食前服如不能以空飲下藥宜合烏梅等四味飲下前丸忌菘菜海藻蕪荑等

烏梅飲方

烏梅 十枚

萎蕤 五兩

生薑 五兩

白蜜 一合

右藥切以水六升煮三味取二升去滓內白蜜攪調細

細用下前丸多少冷煖以意斟酌縱不下丸但覺口乾
渴則飲之

吳昇同

右從事郎充兩浙東路提舉茶鹽司幹辦公事趙子孟較
勘

重訂唐王壽先生外臺秘要方第三卷

終